


Eider Goenaga | DONOSTIA

Larunbata iritsi eta gauean parrandara ateratzea da Euskal Herriko gazte askok —eta baita ez hain gazteak direnek ere— egiten duten aukera. Baina asko eta asko bere herrikanpora mugitzen dira horretarako; batez ere herri txikietatik eskualdeko herri handienara. Eta nork ez du behin edo behin autoa pixka bat edanda dagoela hartu? Nor ez da parrandako azken orduetan ura edota freskagarriak edaten aritu, etxera autoz itzuli behar duelako? Hain zuzen ere, horixe da Gipuzkoako Foru Aldundiak eragotzi nahi duena, larunbatean abiatuko duen gaueko autobus zerbitzuen plangintzarekin. Izan ere, azkenaldian alkoholaren eraginez asteburuan izaten diren auto istripuen kopuruak nabarmen egin du gora; eta gauza bera gertatu da alkoholemia kontrolatan gelditutako gazte kopuruarekin ere.

Hala, zerbitzu berriak ibiliko dira larunbatero, eta gau osoan zehar, Gipuzkoako herriak elkarrekin lotuz. Plangintza hori bost hilabetez egongo da martxan, froga gisa; eta etorkizunean zerbitzuarekin jarraituko duten edo ez erabakiko dute, emaitzak ongi aztertu ondoren.

Alde ezberdinetan ibili ohi diren autobus konpainiak arduratuko dira zerbitzu hori bideratzeaz. «Baina zerbitzu horren kudeaketaren emaitzak defizitarioak izango direnez, Foru Aldundiak diru laguntzak emango ditu, plangintza gauzatu ahal izateko», adierazi dute Gipuzkoako Diputaziokoek. Hala, gau bakoitzeko eta errepidera irtetzen den autobus bakoitzeko ia 70.000 pezetako



PABLO S. QUIZA

Hiriburuetakoko autobusak dagoeneko ibiltzen dira asteburuetan, gaueko ordu txikiak arte, behintzat.

GAUEKO ZERBITZUAK. Gipuzkoako Foru Aldundiak larunbatetarako gaueko autobus zerbitzuak jarriko ditu proba gisa, datozen bost hilabeteetarako. Gau zerbitzuak ez dira berriak, hala ere, hiriburuetan eta herrietako festetan.

diru laguntza emango dio Foru Aldundiak autobus konpainiari (2.800 libera inguru).

Gaueko zerbitzuak beste lekuetan

Hala eta guztiz ere, gaueko autobus eta tren zerbitzuen ez da berria Euskal Herrian. Herrietako festetan herrietako udalek jarri izan dituzte autobus edo

tren zerbitzuak; eta hiriburuetako jaietan gau zerbitzuak ohikoak dira, azken urteetan. Urteko gainontzeko larunbatetan, berriz, hiriburuetan eta inguruetan ibiltzen dira garraio publikoak; probintziako beste herrietara iritsi ere egin gabe.

Kasu honetan, Gipuzkoako Foru Aldundiak probintziako herri nagusiak lotuko dituzten

autobus zerbitzuak abiatu ditu. Ia probintzia osoan izango dira zerbitzuak larunbat gauetan, bai norabide batean zein bestean —Goierrri eta Urola izango dira zerbitzurik gabe geldituko diren eskualdeak—. Aipatzekoa da Euskotren konpainiak duela urte batzuetatik abian zuela larunbat gauetako tren zerbitzua, baina horiek Donos-

tiarekiko lotura bakarrik hartzen dute bere gain; hau da, Zumaiia-Donostia eta Donostia-Hendaia.

Metro zerbitzua ere urte osoko larunbatetan

Gainontzeko euskal probintziei dagokionez, Gasteizen eta Iruñean soilik hiriburu inguruan ibiltzen diren autobus zerbi-

GAUEKO ZERBITZUAK

Hiriburuetan kenduta, ez dago zerbitzurik

Larunbat gauetarako zerbitzuak nahiko motz gelditzen dira Euskal Herrian. Izan ere, hiriburuetan zerbait baldin badago ere, probintziako beste herrietan ez dago autoz mugitzea beste irtenbiderik. Honakoak dira eskaintzen diren zerbitzuak.

ARABA

PROBINTZIAN SOILIK JAIEAN. Araban, Gasteizen kenduta, ez dago garraio publikoen zerbitzurik larunbat gauetan. Hala ere, hainbat herrikan jaietarako antolatzen dituzte zerbitzu bereziak. Autobus zerbitzuak Caja Vitalek jartzen ditu, Jaibus programaren barruan.

HIRIBURUAN 4:00AK ARTE. Gasteizko erdigunea kanpoko auzoekin lotzen duen Gautxori zerbitzua antolatzen du Gasteizko Udalak, Tuvisa konpainiaren elkarlanarekin. Autobusen ohiko lineak goizeko 4:00ak arte ibiltzen dira, ordu erdiro.

BIZKAIA

PROBINTZIAN. Probintzia barruan ez dago ez autobus eta ez tren zerbitzurik asteburu gauetan. Euskotren, Renfe eta Bizkaibus garraio konpainiek ez dute zerbitzu berezirik eskaintzen ostiral eta larunbateko gauetarako.

BILBON METROA. Bilbon hiri barruan mugitzen den autobus zerbitzurik ez dago. Hala ere, Bilboko metroak hiriburu auzo gehienak zeharkatzen ditu, eta Plentziara ere iristen da; probintziako herri bakar batzuk lotzen ditu, beraz. Metro zerbitzua ostiraletan 2:00ak arte luzatzen da, eta ordu erdiro ibiltzen da;

larunbatetan, berriz, gau osoan ibiltzen da, maiztasun berarekin. Herrietako jaietan metroak metro gehiago jartzen ditu gauez.

NAFARROA

FESTETAKO ZERBITZU BEREZIAK HERRIETAN. Urte osoan gauez ibiltzen den garraio publikorik ez badago ere, Nafarroako herrietan oso ohikoa da herrietako jaietan autobus edo tren zerbitzu bereziak jartzea.

IRUÑERRIAN LARUNBAT GAU OSOZ. Larunbatean gau osoz ibiltzen dira Cotup konpainiako autobusak Iruñerriko herrietan, maiztasun ezberdinarekin. Horrela, asteburuetan Barañain, Zizur Nagusia, Huarte, Noain, Beriain, Aitzoain, Mutilagoiti eta Mutiloabeititik Iruñerako eta kontrako norabideko autobusak egotea ez da berria.



MIKEL SAIZ

Iruñeko autobus geltokia.